



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Spiren. Argentin. Et Vvormacien. Episcopis.

**urn:nbn:de:hbz:466:1-20006**

necessitate pensata, si aliqui fuerint de supradictis Clericis, quia ad hoc videantur idonei, & spontanea voluntate per tuum ministerium voluerint ad sacros ordines promoveri, eos auctoritate nostra tibi licet ordinare. Alioquin illos quos ad officium illud magis idoneos ac necessarios fore cognoveris, nobis per tuas litteras significare curabis. Nos enim deliberato consilio respondebimus quid tibi super hoc fuerit faciendum. Datum Laterani XII. Kal. Martij.

## IVRAMENTVM FIDELITATIS

exhibitum Domino Innocentio, successoribus ejus, & Romanae Ecclesie, à Petro praefecto urbis, Oddone de Palumbaria, Oddone de Monticillo.

Epiſt. 23.  
Vide infra epift.  
572. huius lib.

**A** Ltera die post consecrationem Domini Innocentij Papa III. Petrus Urbis praefectus in consistorio Lateranensis palatij publicè juravit ei & successoribus suis atque Romanae Ecclesie fidelitatem contra omnem hominem, & recepit ab eo investituram praefecturæ per mantum, ac deinde fecit ei ligium hominum inter manus ipsius, qui donavit ei cuppam argenteam in signum gratiæ. Consecratus est autem idem Dominus Innocentius Papa III. eadem die solenniter in apostolica sede, qua beatus Petrus Apostolus in episcopali fuit cathedra collocatus. Eadem die fecerunt ei fidelitatem Oddo de Palumbaria, & Oddo de Monticillo.

SPIREN. ARGENTIN. ET  
Vormacien. Episcopis.

Epiſt. 14.  
Pro liberario  
ne Salernitani  
Archiepiscopi

**Q** Vanta præsumptionis & temeritatis existat in rectores Ecclesie manus injicere violentas, in Evangelio Dominus protestatur, qui se in ministris suis affligi afferuit, & in Apostolorum principe alibi se perhibuit iterum crucifigi. Hoc etiam pœnae qualitas manifeste declarat, cum excommunicatiois sententia in ipso actu feriat delinquentes, si non solum in fratres & coepiscopos nostros, sed etiam in minoris ordinis Clericos violentiam præsumperint operari. Ne autem solos violentiae hujus auctores aliquorum præsumptio crederet esse punitor, facientes & consentientes pari pœna plectendos canonica censura condemnat, eos etiam delinquentibus favere interpretans, qui cum possint, manifesto facinori desi-

nunt obviare. Quod bona memoria C. Papa prædecessor noster hactenus diligenter attendens, auctores & fautores captionis & detentionis venerabilis fratris nostri Salernitani Archiepiscopi excommunicationis nunciasset vinculo innotatos, nisi per imperiales nuncios sapere fuisset ei ac firmiter repromissum quod idem Archiepiscopus sine dilatione qualibet libertati præstinae redderetur. Ne autem detentio ejus nobis de certero imputetur, si circa liberationem ejus inventi fuerimus negligentes, fraternitati vestrae per apostolica scripta mandamus, & districtè præcipimus, quatenus nobilem virum Vuicel. de Berc. ex parte nostra diligenter moneatis, ut eundem Archiepiscopum à detentionis suæ carcere absolutum ad nos cum honore remittat, nobilitatem ejus gratiarum actionibus prosequentes, quod circa eum spiritum compassionis exhibuit, & quantum licuit, solatum ei humanitatis impedit. Quod si (quod non credimus) ad monitionem vestram, & venerabilis fratris nostri Sutrini Episcopi, & dilecti filii Abbatis sancti Anastasij, quos ad hoc specialiter destinamus, eum dimittere forte noluerit, excommunicatum ipsum publicè nuncietis, & si qua forsan ab aliquibus Ecclesiis beneficia possidet, ea ipsi per censuram ecclesiasticam auferri mandantes, totam terram ejus, immo totam diocesim, in qua idem Archiepiscopus detinetur, vel ad quam translatus fuerit detinendus, supponatis sententia interdicti. Nos enim dilectis filiis Capitulo Maguntin. dedimus in mandatis, ut sententiam vestram faciant inviolabiliter observari. Volumus autem nihilominus, & mandamus, ut universis Alemannia principibus in remissionem suorum criminum injungatis, ut solicitudinis suæ studium efficaciter interponant, quod eis mediantibus Archiepiscopus ipse liberè ad nos quantocius revertatur, significantes eis quod si id (quod absit) implementum non fuerit, in totam Alemanniam interdicti cogemur sententiam promulgare. Quod si omnes &c.

SVTRINEN. EPISCOPO ET  
Abbati S. Anastasij.

**C** Vm ei simus divina providentia in Ecclesie Romanae regimine substituti, qui à Domino, ut delinquenti-

Epiſt. 15.  
Pro reconcilia-  
tione Philippi  
Ducis Suev.